

آ کلا یورسام دا نه دیمه سینه کلدیکنی دوغرو سویا بیله مه یوردیم . ایشته بوبالی سوزونک
آرابجا ، فورسجه ایله ایلیشیک اولماسا کرک !

نجه : [آده بالی] آغا بالی دیمکدر . آغا کوندوز کی تورکجه برآددر .

تیره بولولو

آلب آرموره

تورک سونی

چالیشقانلر یوردی — قوری چشمه نك چالیشقان کنجلیری بو نامده بر یورد
آجدیلر بیاننامه لری غزته ده او قودیمز کی یوردلری کیدوب کوردک . « چالیشقانلر
یوردی » قوری چشمه ده کی کنجلیک بدنی ، اخلاق و اجتماعی تربیه لری ، فکرلری
کشایسته چالیشاقدرد . بویله عالی بر نیتله برلشن و چالیشمه عزم ایدن کنجلیری البته
آز زمانده پک چوق پیرو بولاجقلردر . بز ذاتاً خلاص و تعالی نامنه نه بکلیورسوق .
کنجلیر ضدن بکلیورز . اونک ایچون موفقیتلری نمنی بزه بر وظیفه در .

خیوه حربیه ناظرینک فکری — وقت غزته سی محررلردن غفور افندی عثمانی
خیوه حربیه ناظری (یاسا اول باشی آقا) شیخ نظر بای ایله بر ملاقاتده بولونمش در .
مشار الیه خیوه مکتبلری نك حالندن شکایت ایتدکدن ، اسکی قوت و شوکتی استحصال
ایچون او قومق لازم کلدیکنی سویله دکن سوکرا موسی افندی بیکیفک قرآن ترجمه سی
حقتنده شو فکرلری در میان ایتشدرد : « موسی جارالله افندی کی عالم شهر بر ذاتک بواشته
باشلاماسنی عاجزانه تبریک ایدرز . ایشنک چابوق وجود بولماسنی دیلرز . ألمزدن کله
ایدی جانمزی فدا ایدنجه به قدر یاردیم ایدردک ! چونکه قرآن کریم بز مسلمانلره نه
سورتله مسمود و یا رزیل و خوار اولاجقمزی صراحة بیلدیره ن سماوی بر کتابدر .
لکن بز شمیدیکی حالدده قرآن کریمدن لازمی کی مستفید اولامیورز . خلقمیزک خرافه لر دن
چابوق آیرلاسنی و چابوق آدام اولاراق یاشاماسنی ایسته رسه ک قرآن کریمک حکملری
کندی دیلمیزه ترجمه و تفسیر ایتک البته کرکدر . بو بکله نیلن غایدایی موسی افندی کی
مقتدر وید طولی صاحب بر عالمک مشهور قلمی ویرم جکندنه بز اصلا شبهه ایتیورز .
بن موسی افندی نك دیگر کتابلری ده پک سوه درک او قویورم . مشار الیه عربستانده
(موسی جارالله) دیه مشهوردر . اونک مقتدر و زمانمیزک برنجی عالمی اولدیننی عربلر
تصدیق و (جارالله) لقبی ایله توسیم ایله مشلردر . مادامک بویله در ، بز ایچون بو محترم
آدامی تمیز و فکرینه ایچون اشتراک ایتیمه لم ؟ »

ت . ی

اخطار — « چوجوق یوردی » نامنده کی غزته ایله بر کونا علاقه منیوقدر .

مربیت